



24 November 2017
24 November 2017
P.U. (A) 358

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH MENTERI-MENTERI KERAJAAN
PERSEKUTUAN (NO. 2) (PINDAAN) 2017

*MINISTERS OF THE FEDERAL GOVERNMENT
(NO. 2) (AMENDMENT) ORDER 2017*

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA FUNGSI-FUNGSI MENTERI 1969

PERINTAH MENTERI-MENTERI KERAJAAN PERSEKUTUAN (NO. 2) (PINDAAN) 2017

PADA menjalankan kuasa yang diberikan oleh seksyen 2 Akta Fungsi-Fungsi Menteri 1969 [*Akta 2*], Yang di-Pertuan Agong membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Menteri-Menteri Kerajaan Persekutuan (No. 2) (Pindaan) 2017**.

(2) Subsubperenggan 2(a)(i) disifatkan telah mula berkuat kuasa pada 1 Ogos 2016.

(3) Subsubperenggan 2(a)(ii) dan 2(a)(iii) disifatkan telah mula berkuat kuasa pada 1 September 2016.

(4) Subperenggan 2(b) disifatkan telah mula berkuat kuasa pada 12 April 2017.

(5) Subperenggan 2(c) disifatkan telah mula berkuat kuasa pada 24 Februari 2017.

(6) Subsubperenggan 2(d)(i) disifatkan telah mula berkuat kuasa pada 17 Ogos 2016.

(7) Subsubperenggan 2(d)(ii) dan 2(d)(iii) disifatkan telah mula berkuat kuasa pada 20 April 2016.

Pindaan Jadual

2. Jadual kepada Perintah Menteri-Menteri Kerajaan Persekutuan (No. 2) 2013 [*P.U. (A) 184/2013*] dipinda—

(a) berkenaan dengan Jabatan Perdana Menteri—

- (i) dengan menggantikan semua perkataan dalam ruang "*Perkara*" yang terdapat bersetentangan dengan perkataan "Majlis Keselamatan Negara (MKN)" dalam ruang "*Jabatan*" dengan perkataan yang berikut:

"Urus setia bagi Majlis Keselamatan Negara

Melaksanakan dan menguatkuasakan Akta Majlis Keselamatan Negara 2016

Menyelaraskan pelaksanaan Dasar Keselamatan Negara 2017

Merumuskan dan menyelaraskan dasar keselamatan negara dan langkah keselamatan termasuk perisikan negara

Urus setia bagi semua jawatankuasa dan kumpulan kerja yang ditubuhkan di bawah MKN di peringkat Persekutuan, Jawatankuasa Kerja Keselamatan Negeri (JKKN) di peringkat Negeri dan Jawatankuasa Kerja Keselamatan Daerah (JKKD) di peringkat Daerah yang menyentuh perkara keselamatan negara, ketenteraman awam dan pengurusan krisis yang diletakkan di bawah bidang kuasa MKN

Menyelaraskan hal ehwal keselamatan dan kedaulatan maritim dalam kawasan zon maritim Malaysia

Menguruskan dan menyelaraskan dasar, strategi, operasi dan tindakan bagi pemeliharaan keselamatan dan kedaulatan maritim negara

Menyelaraskan pelaksanaan tugas, hak, tanggungjawab dan liabiliti Malaysia sebagai negara pihak kepada Konvensyen

Pertubuhan Bangsa-Bangsa Bersatu mengenai Undang-Undang Laut 1982

Menyelaraskan mekanisme ke arah meningkatkan pengawasan dan pemeliharaan keselamatan perairan negara di Selat Melaka, Selat Singapura, Laut China Selatan, Laut Sulu dan Laut Sulawesi serta keselamatan aset berkepentingan negara di perairan antarabangsa

Menguruskan dan mengawal selia hal ehwal kepulauan

Menggubal, meneraju dan memantau pelaksanaan dasar dan strategi berhubung dengan keselamatan siber yang mengancam keselamatan negara dan kesejahteraan rakyat

Menggubal dasar dan menyelaraskan mekanisme pengurusan krisis keganasan dan ketenteraman awam di peringkat daerah, negeri dan negara

Menggubal dasar dan menyelaraskan mekanisme pengurusan berhubung dengan pemegang kad Suruhanjaya Tinggi Bangsa-Bangsa Bersatu mengenai Pelarian (UNHCR)

Menyelaraskan dan memantau pengurusan keselamatan di Zon Selamat Sabah Timur (ESSZONE)

Memantau dan merangka strategi bagi menangani isu yang menjejaskan ketenteraman awam, keselamatan negara dan integriti Kerajaan

Menguruskan dasar dan operasi mengenai pendatang asing tanpa izin di Sabah dan Wilayah Persekutuan Labuan

Menguruskan dan menyelaraskan dasar, strategi, operasi dan tindakan bagi pemeliharaan keselamatan dan kedaulatan sempadan darat negara

Menguruskan dan menyelaraskan kerjasama dua hala dalam hal ehwal keselamatan dan kedaulatan bersama negara jiran bersempadan

Menyelaraskan kem dan pos Jawatankuasa Perancang Gerakan (JPG), Majlis Keselamatan Negara

Menguruskan dan mengawal selia Pasukan Operasi Khas Nasional (NSOF) dan operasi NSOF

Menyelaraskan penyaluran maklumat dan data berhubung dengan keselamatan negara dan perisikan negara oleh agensi dan kementerian ke Pusat Pengurusan Operasi Negara (PPON)

Menyelaraskan gerak kerja agensi Kerajaan Pusat dan Kerajaan Negeri dalam menangani masalah pencerobohan tanah yang mengakibatkan bencana di Cameron Highlands”;

- (ii) dengan memotong perkataan “Jabatan Pertahanan Awam” dalam ruang “*Jabatan*” dan semua perkataan yang terdapat bersetentangan dengannya dalam ruang “*Perkara*”; dan
- (iii) dengan memasukkan dalam ruang “*Jabatan*” dan “*Perkara*” selepas perkataan “Institut Wasatiyyah Malaysia” dalam ruang “*Jabatan*” perkataan yang berikut:

“Angkatan Pertahanan Awam
Malaysia

Melaksanakan fungsi di bawah
Akta Angkatan Pertahanan
Awam Malaysia 1951”;